

		Iris Oifigiúil		
		Uimh	Leathanach	Dáta
► <u>M1</u>	Cinneadh (AE) 2023/2796 ón mBanc Ceannais Eorpach an 4 Nollaig 2023	L 2796	1	14.12.2023
► <u>M2</u>	Cinneadh (AE) 2025/873 ón mBanc Ceannais Eorpach an 24 Aibreán 2025	L 873	1	12.5.2025



CINNEADH (AE) 2022/1981 ÓN mBANC CEANNAIS EORPACH
an 10 Deireadh Fómhair 2022
ar úsáid seirbhísí de chuid an Chórais Eorpaigh Banc Ceannais ag
údaráis inniúla (BCE/2022/33)

Airteagal 1

Sainmhínithe

Chun críocha an Chinnidh seo, tá feidhm ag na sainmhínithe seo a leanas:

- (1) ciallaíonn “údarás inniúil” údarás inniúil náisiúnta nó an Banc Ceannais Eorpach (BCE);
- (2) ciallaíonn “údarás inniúil náisiúnta” (ÚIN) údarás inniúil náisiúnta mar a shainmhínítear i bpointe (2) d’Airteagal 2 de Rialachán (AE) Uimh. 1024/2013 agus, chun críocha an Chinnidh seo, folaíonn sé freisin, maidir leis na cúraimí maoirseachta sannta dóibh, bainc cheannais náisiúnta ar sannadh cúraimí maoirseachta áirithe dóibh faoin dlí náisiúnta agus nach bhfuil ainmnithe mar ÚINanna;
- (3) ciallaíonn “seirbhísí CEBC” aon cheann nó níos mó de na feidhmchláir, córais, ardáin, bunachair sonraí agus seirbhísí leictreonacha a liostaítear in Iarscríbhinní I agus II;
- (4) ciallaíonn “banc ceannais soláthair” banc ceannais a dhéanann seirbhís CEBC a fhorbairt, a réachtáil agus a choimeád.

Airteagal 2

Úsáid seirbhísí CEBC ag údaráis inniúla

1. Úsáidfídh údaráis inniúla na seirbhísí CEBC a liostaítear in Iarscríbhinn I chun a gcúraimí a dhéanamh faoi Rialachán (AE) Uimh. 1024/2013.
2. Féadfaidh údaráis inniúla úsáid a bhaint as na seirbhísí CEBC a liostaítear in Iarscríbhinn I chun a gcúraimí a dhéanamh faoi Rialachán (AE) Uimh. 1024/2013.
3. Déanfaidh údaráis inniúla a chinneann seirbhísí CEBC a úsáid a leagtar amach in Iarscríbhinn II dearbhú a chur faoi bhráid na Comhairle Rialaithe trína ndeimhneoidh siad a rannpháirtíocht agus trína nglacfaidh siad le comhlíonadh na n-oibleagáidí gaolmhara, lena n-áirítear an oibleagáid a gcuid ranníocaíochtaí a íoc go díreach leis an mbanc ceannais soláthair i gcomhréir le hAirteagal 3.
4. Comhlíonfaidh údaráis inniúla a úsáideann seirbhísí CEBC an creat dlíthiúil lena rialaítear gach seirbhís CEBC, lena n-áirítear na comhaontuithe idir na bainc cheannais rannpháirteacha agus soláthair. Féadfaidh na comhaontuithe idir na páirtithe caidrimh chonarthaigh dhíreacha a bhunú idir na bainc cheannais soláthair agus na húdaráis inniúla.
5. Agus na seirbhísí a liostaítear in Iarscríbhinn I á n-úsáid acu, comhlíonfaidh na húdaráis inniúla na ceanglais a leagtar amach in Iarscríbhinn III.

▼ M1*Airteagal 3***Socruithe airgeadais**

1. Beidh údaráis inniúla a úsáideann seirbhísí CEBC rannpháirteach leis na costais a bhaineann leis na seirbhísí CEBC faoi seach a fhorbairt agus a oibriú de réir creat aisíocaíochta sainithe, atá bunaithe ar eochair leithdháilte costas, mar a shonraítear a thuilleadh sna clúdaigh airgeadais faoi seach de réir na rialacha aisíocaíochta is infheidhme.

2. De mhaolú ar mhír 1, ní cheanglófar ar údaráis inniúla a bhaineann úsáid as an mBunachar Sonraí Lárnaithe Um Urrús (Centralised Securities Database, CSDB) agus/nó as an mBunachar Sonraí Staitisticí i ndáil le Sealbhaíocht Urrús (Securities Holdings Statistics Database, SHSDB) ranníocaíocht a dhéanamh i leith na gcostas a bhaineann le forbairt agus oibriú an BLUC agus/nó an SHSDB, de réir mar is infheidhme, i gcás ina dtabhófar na costais sin roimh an 1 Iúil 2023 le haghaidh SHSDB agus roimh an 1 Eanáir 2024 i gcás CSDB, faoi seach.

▼ B*Airteagal 4***Teacht i bhfeidhm**

Tiocfaidh an Cinneadh seo i bhfeidhm an fichiú lá tar éis a fhoilsithe in *Iris Oifigiúil an Aontais Eorpaigh*.

▼ M2*IARSCRÍBHINN I***Seirbhísí CEBC a cheanglaítear ar údaráis inniúla a úsáid**

- AnaCredit (Anacredit)
- Banks' Integrated Reporting Dictionary Operational Tasks Project (BIRD OT)
- Centralised Securities Database (CSDB)
- CoreNet
- Enterprise Service Bus (ESB)
- Identity and Access Management Service (IAM)
- Register of Institutions and Affiliates Database (RIAD)
- Securities Holdings Statistics Database (SHSDB)

▼B

IARSCRÍBHINN II

Seirbhísí CEBC a fhéadfaidh údaráis inniúla a úsáid

- Córas Teileachomhdhála CEBC
- Ríomhphost Slán CEBC (Secure ESCB Email, SEE)
- Bonneagar Eochair Phoiblí CEBC (ESCB Public Key Infrastructure, CEBC PKI)
- ESCB Performing Survey Initiative LimeSurvey-based Solution (EPSILON)
- Uirlis samhaltaithe ENTM agus stóras (ENTM modelling tool and repository, ENTM)



IARSCRÍBHINN III

Riachtanais le haghaidh seirbhísí CEBC a cheanglaítear ar údaráis inniúla a úsáid

- (1) Ní mór d'údaráis inniúla na tascanna a dhéanamh agus na freagrachtaí a ghabhann lena ról sa tseirbhís ábhartha CEBC a ghlacadh.
- (2) Ní mór d'údaráis inniúla a gcórais inmheánacha agus a gcomhéadain a choigeartú chun oibriú gan bhriseadh leis an tseirbhís CEBC.
- (3) Beidh údaráis inniúla faoi dhliteanas as aon chaillteanas nó damáiste a thabhaítear mar thoradh ar aon ghníomh agus/nó neamhghníomh d'aon ghnó nó faillí agus a n-oibleagáidí á gcomhlíonadh acu. Beidh feidhm dá réir ag na teorainneacha dliteanais a leagtar síos sa Chomhaontú Leibhéal 2 —Leibhéal 3.
- (4) Beidh an dualgas cruthúnais ar údaráis inniúla a thaispeáint nár sháraigh siad a ndualgas cúraim réasúnta agus a n-oibleagáidí á gcomhlíonadh acu, lena n-áirítear agus na saoráidí teicniúla á n-oibriú.
- (5) Beidh seachfhoinsiú, tarmligean nó ligean ar fochonradh ag údarás inniúil do thríú páirtithe gan dochar do dhliteanas an údaráis inniúil sin.

Ní fhéadfaidh údaráis inniúla tascanna a bhfuil nó a bhféadfadh tionchar ábhartha a bheith acu ar chomhlíonadh na gceanglas a leagtar amach san Iarscríbhinn seo a sheachfhoinsiú, a tharmligean nó a ligean ar fochonradh chuig tríú páirtí ach a mhéid a fuair siad toiliú sainráite, roimh ré agus i scríbhinn (nó toiliú a mheastar a bheith tugtha mar a fhoráiltear i mír (6)) ó bhainc cheannais an Eurochórais, nó bainc cheannais CEBC, de réir mar a bheidh. Ní theastaíonn aon toiliú den sórt sin más comhcheamhnaí leis an údarás inniúil ábhartha an tríú páirtí agus má fhanann cearta agus oibleagáidí an údaráis inniúil sin gan athrú go hábhartha.

- (6) Ní mór d'údaráis inniúla réamhfhógra réasúnta a thabhairt maidir le haon seachfhoinsiú, tarmligean nó ligean ar fochonradh pleanáilte dá dtagraítear i mír 5 agus ní mór dóibh sonraí a sholáthar faoi na ceanglais a bheartaítear a chur i bhfeidhm maidir le seachfhoinsiú, tarmligean nó ligean ar fochonradh den sórt sin.

Ní mór don Choiste inniúil CEBC freagra a thabhairt ar aon iarraidh ar thoiliú faoi mhír 5 laistigh de dhá mhí tar éis dó a bheith curtha ar an eolas faoin seachfhoinsiú, tarmligean nó ligean ar fochonradh atá beartaithe. Ní mór na cúiseanna leis an diúltú sin a bheith in éineacht le haon diúltú toiliú a thabhairt. Mura bhfaigheann an t-údarás inniúil aon fhreagra laistigh de spriocdháta dhá mhí, féadfaidh sé a iarratas a chur in iúl don Choiste inniúil CEBC. Beidh mí amháin eile ag bainc cheannais an Eurochórais, nó bainc cheannais CEBC, de réir mar a bheidh, chun freagra a thabhairt ar an dara fógra. Mura mbeidh aon fhreagra ann laistigh den tréimhse ama sin, measfar go bhfuair an t-údarás inniúil toiliú le dul ar aghaidh leis an seachfhoinsiú, an tarmligean nó an ligean ar fochonradh.

- (7) Ní mór d'údaráis inniúla gach faisnéis agus fios gnó íogair, faoi cheilt nó rúnda a choinneáil faoi rún (cibé acu an fhaisnéis sin a bheith de chineál tráchtála, airgeadais, rialála, teicniúil nó eile) atá marcáilte mar sin agus a bhaineann leis an mbanc ceannais solathair agus/nó le bainc cheannais eile CEBC/Eurochórais, agus ní fhéadfaidh siad an fhaisnéis sin a nochtadh d'aon tríú páirtí gan toiliú sainráite, roimh ré agus i scríbhinn ón mbanc/na bainc cheannais lena mbaineann.
- (8) Ní mór d'údaráis inniúla rochtain ar an bhfaisnéis nó an fios gnó dá dtagraítear i mír 7 a shrianadh chuig a bhfoireann theicniúil ábhartha, agus ní féidir an rochtain sin a fheidhmiú seachas i gcásanna soiléire riachtanais oibríochta.

▼B

- (9) Ní mór d'údaráis inniúla bearta iomchuí a bhunú chun rochtain ar fhaisnéis rúnda nó fios gnó ag daoine seachas an fhoireann theicniúil ábhartha a chosc.

▼M1

- (10) Sa chás ina mbaineann úsáid na seirbhíse CEBC le sonraí pearsanta a phróiseáil ag an údarás inniúil, ní mór don údarás inniúil an reachtaíocht is infheidhme maidir le cosaint sonraí a chomhlíonadh.

▼B

- (11) Ní fhéadfar rochtain ar shonraí pearsanta a dheonú seachas dóibh siúd a bhfuil riachtanas acu eolas a bheith acu chun a gcúraimí a chomhlíonadh agus a bhfreagrachtaí a chomhlíonadh maidir leis an tseirbhís ábhartha CEBC.